

精鈔
大字

隨

園

全

集

詩集

十七

增補隨園全集

卷五

七

小倉山房詩集卷三十二 丁未至乙酉庚戌

錢唐袁枚子才

春日偶吟

萬里遊歸說武夷。江山成就六年詩。而今自笑無遊處。閒步柴門數竹枝。 三兩人家設

綺筵。招儂同醉落花天。緣何不掃陳蕃榻。生性吳蚕怕獨眠。 春暮陰生滿院苔。曉風吹

急小窗開。濕烟繞瓦雨剛去。寒翠撲人山要來。 草木爭春各不同。碧桃又杏兩般紅。竹

因葉密散招雨。蘭為香多性愛風。 堅冰乍散水生烟。小草和春比樹先。荷葉自舒蕉自

捲。性情生就總由天。 攏袖觀棋有所思。分明楚漢兩軍持。非常歡喜非常惱。不著棋人

總不知。 明窗淨几太嫌多。無計分身喚奈何。只好安排閒筆硯。聽憑老子自婆娑。

不獨憂除樂也除。衰年事事付空虚。聽來必有心開處。鶯囀高枝覓讀書。 支頤閒坐可

憐宵。何處旃檀遠遶。飄鼻觀。氣益心勿靜。方知香要別人燒。 白髮蕭蕭霜滿肩。送春未

免意留連。牡丹看到三更盡。半為花憐半自憐。 浮生何必苦安排。隨意閒行心自開。

失物每從無意得。懷人恰好有書來。 幾個傳人占古今。浮雲何處問升沉。杜家兄弟多榮

貴。官小民高是阿欽。 逝者如斯喚奈何。桓伊何必定聞歌。數來傍晚星何少。過去飛鴻

迹太多。

戒詩

戒詩如戒酒。屢戒忽屢開。又如茹素人。欲火涎流腮。蚕絲一以抽。金刀不能裁。始知性所嗜。一旦難相乖。江淹才已盡。白傅興方來。詩中有馮婦。更其自號哉。

笋方作竹多有善者名之曰竹殤而吊以詩

群竹方凌雲。其中數枝傷。頗似楊家烏。無端忽暴亡。人世有嬰鬼。園林有竹殤。壽者是何幸。夭者是何殃。與其生不育。何如勿生良。栽培傾覆意。何處詢蒼蒼。嬰鬼見易林

栽袍

閒居無所事。緩步自逍遙。底事栽袍短。平生怕繫腰。

夕陽

水竹光雖滿。桑榆景已斜。夕陽不肯去。想是戀桃花。

灌花

久旱天無雨。呼童汲井陰。雖然杯水力。也表惜花心。

嘲畏熱者

君莫畏炎風。炎風期漸滿。不及待秋涼。除非君壽短。

冰

一片輕冰到。蒼蠅盡轉身。許儂登席上。能救熱中人。

六言四首

酬應則吾老矣。嬉遊則吾尚少。老少憑儂自為。不免旁人一笑。夏五日長如歲。況無

事閒居。傍晚回思。早起宛然。三代唐虞。一切總求徹底。使生無數疑端。不若半明半昧。

人閒萬事相安。宣尼待子如客。相見胸襟灑然。不是趙處獨立。聞詩聞禮何年。

題駱秀才乞食歌姬院圖

乞食平康一笑生。衲衣手板拜卿卿。此中定有憐才者。較勝王侯門下行。冷炙殘羹味

若何。妝樓行慣有誰呵。只愁一梳桃花粥。中有佳人紅淚多。

造生礪

莫笑先賢造化臺。何人不向此中來。譬如華屋身將住。可不梅花手自栽。三板暫教風月閒。

一門且待子孫開。香山坡畔泥湏酒。先與群公醉幾回。

重赴泮宮詩

有序

余以丁未年入泮。今又丁未矣。仿重赴廩鳴故事作歌。

憶昔素絲年十二。簪華學趨童子試。門前已送好音來。階下還騎竹馬戲。其時學使王文河。面取經書誦倍多。季必圍棋雖未賦。何郎雅樂已能歌。一番正試兩番慶。道路爭觀人簇簇。

喧傳泮水出芹并。豔說童蒙充棧樸。魏魏雙闕聖門開。將命疑從闕黨來。並行敢逐先生後。

受業師史玉璣先生同入學 倚寵仍眠大母懷。諸始伯姊欣欣到。替我梳頭向我笑。看着青衫試短長。勸

拖錦帶休顛倒。恭逢 先帝御明堂。服米新頒 詔數行。已入黉宮換短褐。更教雀弁耀銀

光。雍正四年奉 旨各官帽上 加珊瑚水精諸頂生監用銀 東家答兒苦相羨。西家奪婿招相見。童子翻增滿面羞。伴採

花枝弄筆硯。此事於今六十年。泮泮蒼海過雲烟。阿婆喜說新婚日。羸馬驚聞上苑鞭。膠庠

舊伴今誰在。孤花碩果真無奈。寄語新知衆秀才。老身願作同年待。特設隨園酒一卮。強顏

首唱泮宮詩。從來白髮傷心處。最是青年得意時。

哭慶兩峯觀察 有序

丁酉七月。兩峰觀察赴任湖北。過隨園留別云。交情共指青山在。別意相看白髮多。

余讀而傷之。旋聞以孤身出鎮塞外。非其任也。不逾年。病還京師。又一年卒。余賦詩

哭之。即用其第四韻為起句。

別意相看白髮多。今朝永訣奈君何。平原自是佳公子。劉秩原非曳落河。翠竹凌霄難撼抑。良

金受銀易消磨。可憐絕代風騷手。空把襟華委逝波。

假山成題曰巫山十二峰自嘲一首

省偏真山造假山。公孫十二好烟鬟。如何老去風懷寄。還在高唐雲雨間。

書所見

人老惜分陰。一日如一歲。但問一歲中。幾度得心醉。人生行樂耳。所樂亦分類。但須及時行。各人自領會。我生嗜好多。老至亦漸忘。惟有兩三事。依舊懽如常。攤書傍水竹。隨手摩圭璋。名山扶一枝。好花進一觴。談文述甘苦。說鬼忘荒唐。七十尚從心。踰矩亦何妨。形神偶相交。忽然竟有我。及其既散時。空雲無一朵。來非我有心。去非我有意。物物有一生。人人有一世。所以達觀人。游行在空際。來共雲卷舒。去隨風搖曳。不談佛與仙。忍受彼拘繫。既已說長生。何以悠然逝。既已悟無生。何必又詞費。

水精屏歌

有序

查亭弟假水精屏一架為老人消暑喜賦一詩寄之

六月溽暑天炎炀。阿連贈我十水精。為盤為盞為奩。高低錯落架作屏。使我老眼如再明。急陳座右當瓊英。蒼蠅遠望雙目眩。側翅欲上飛又停。兒童康觀喜且驚。欲摸怯寒手戢兢。我聞琉璃世界夸晶莹。佛家妄語未可聽。又聞冰山容易傾。誰能倚勢為長城。何如此寶羅階庭。如白龍皮挂迎涼廳。頃刻習習秋風生。峨嵋之雪萬古凝。藍橋之霜飛滿楹。陽鳥欲闢氣不勝。銀蟾下瞰疑繁星。三更尚作長明燈。客來相對心忺忺。人人都化聖之清。我覺下筆尤空靈。頭銜豈止一條冰。

對書嘆

我年十二三。愛書如愛命。每過書肆中。兩脚先立定。苦無買書錢。夢中猶買歸。至今所
摘記。多半兒時為。宦成恣所欲。廣購書盈屋。老矣夜猶看。例東一條燭。兩兒似我年。見
書殊漠然。此事非庭訓。前生須夙緣。名將不兩代。文人無世家。可憐袁伯業。對書空嘆
嗟。

荆楚歲時記七月八日雨名洒淚雨蓋調牛女也戲和香亭五絕句

纔過七夕雨如絲。說是雙星別淚垂。怪底淒淒敲不响。想應瞞著怕天知。
烏鵲橋空行

路難銀河風急起。波瀾織來雲錦三千疋。儘拭啼痕恐未乾。惹他兒女盡消魂。都想乘

槎一問津。侵曉夫妻兩行淚。不知先落是何人。雨散雲飛夢易乖。人間多少別離哀。倘

教都學黃姑樣。海水還愁天上來。羨殺匏瓜樂未央。生來無匹影幢幢。有情便有年年

恨。就作天星莫作雙。

極淨之室日光照處濛濛然碎塵忙擾感而有作

漫空野馬鬧紛紛。牕露朝陽省便真。我覺伯夷清不必。人生一世在紅塵。

為花樹揀蛛絲有感於運氣之說

草木都須氣運扶。旁觀只少靜工夫。反然蛛網欺蒙處。病樹常多好樹無。

得玉尺詩有序

余失去業上玉尺。尚不知也。忽陶怡雲持來相示。方知彼客攫去。轉售陶家。怡雲素識此物。即以歸趙。余嘆造物之巧。感友誼之重。不能無詩。

一條玉尺廿年持。忽起波瀾匪所思。失去未曾三日別。得來如有六丁追。量才事業漸無分。返璧心情喜可知。不是曹公風義重。文姬歸漢是何時。

附陶怡雲和作

偶逢賢器落風塵。知是隨園席上珍。璧返相如原有數。珠還合浦豈無因。物多著意求難得。巧到無心樂更真。容易量才持玉尺。若除公外竟誰人。

九月五日招春圃香亭觀芙蓉兩弟俱已高官解組乍見烟雲花草意倍欣然各以詩見寄余賦七絕句答之

秋雲遮日樹遮風。同看芙蓉上短篷。難免芙蓉花一笑。弟兄三個白頭翁。天邊消息近

重陽。花正迎霜未拒霜。十斛胭脂十匹錦。秋娘臨水盡紅妝。消遣閒情弄釣槎。招呼網

戶挺漁叉。登時潑刺銀刀响。撲斷青蘆幾節花。細雨濛濛濕小舟。會看花色尚回頭。可

知客把芙蓉戀。不是芙蓉把客留。謝傳無官倍有情。愛拈棋子鬥輸贏。千秋乞墅添佳

話。今日羊曇又外甥。兩弟與健
癡甥對奕看罷芙蓉坐小齋。自家棠棣又花開。家常鷄黍燈前供

也。算紅雲宴一回。
送別殷勤語阿連。最難平地作神仙。希文經略西邊日。再憶圭峰定惘然。

題漪香夫人采芝圖 附來書

月尊周氏端肅問隨園先生萬安。尊讀先生之書。十有餘年矣。又時時聞中丞道先生言論丰采。口無虛日。海內老師宿儒奇才異能之士。至中丞左右者。莫不盛稱先生之才。其在先生同輩諸公。亦極口贊揚於無既。尊覺耳目所及。海內名流。無若先生者矣。尊凡陋之質。叨侍上公巾拂。身世無復所憾。惟幼耽翰墨。妄生好名之心。不肯泐泐終世。乃生少聰明。兼多疾病。強寒蟬寂。終不成器。於今海嘆廢棄。始信天限之弗可渝奪。又無絕技殊能。高於輩行。可託傳於名人著述。以垂永久。他日晏然隨化。憑然神傷而已。前在中州。取義山十年長夢采華芝句。作采芝圖。畫工既劣。更不能擇手題詠。誠無可觀。今特寄呈。求賜宏製。斯人斯畫。雖不足當大方題品。誠欲藉傳姓氏於集中。則生平之憾始釋然也。小兒嵩珠年甫三歲。近已種花。以為進郎福命宜兄弟所致。先生與中丞誼重交深。聞之必喜。用敢附及。冒昧干請。臨啟惕然。附呈微物導意。

空山雪花飛滿地。雪中一葉仙書至。道有真靈位業圖。教懷小綬蚕眠字。開窗驚見魏夫人。

蝶繞雲鬟花繞身。手采靈芝覓仙種。果然天上降麒麟。謂公子欣傳嫁得尚書婿。明珠九曲

穿無數。朝衣薰罷便題牋。寶髻梳成遂作賦。尚書愛士古人同。海內名流走下風。誰知日具

千人饌。都是周家絡秀功。尚書署中客無不頌夫人賢山人欲乞簪花格。特寄隨園齒一冊。上元靈爇未

曾披。玉女真容已先得。方以隨園雅集齒案于夫人題而夫人之齒先至急熟旗檀十斛香。拜乾阿嬭喚蓉祥。阿嬭寄夫人膝

下取名蓉祥偷描一幅夫人貌。供向慈雲大士旁。

答似村以詩見寄

屢接吟牋喜不勝。珍珠圓轉水雲清。心從天外來千里。人在詩中過一生。字寫燈前應落月。

信傳江上正啼鶯。宛然不繫丹邊去。當日郎君笑語餘。海內何人不贊嘆雪中南北兩

表安。漁歌鎮日憑闌聽。棋局千盤袖手看。我已白頭游五嶽。君方紅日卧三竿。巢由人物從

來少。生長侯門隱更難。

題成嘯崖夢游清涼山齒

人生惟有夢最好。千山萬山許搜討。縱有蕭何法律叔孫儀。難把夢魂管得了。金陵諸山清

涼高嘯崖公子人中豪。忽然夢到清涼頂。是誰相約誰相招。露戎戎兮鋪草。亭高高兮凌烟。

松蒼蒼而蔽日。江遠遠以浮天。待天鷄之喚醒。仍枕席之依然。清晨大笑告吳友。吳也驚疑

但掩口。道是昨宵我亦夢來游。底事路上雲遮不拱手。毋多談。且載酒。果肯尋夢夢還。有

呼車同向清涼走。指看今日諸烟燼。還似昨宵光景否。雪泥鴻爪怕消忘。請付丹青傳不朽。我聞古莽之國。以夢為是。覺為非。列子此語不我欺。嘯崖此夢亦如之。又聞天姥之峰。李白遊夢中詩。句傳千秋。得毋嘯崖前生。即是李白。不我家清涼山脚下。山神昨日來相訝。說丁未孟秋詩人兩個都過隨園門。如何不速先生駕。

題吳秀才醉竹圖

竹醉露人醉酒。詩人生在竹醉日。似與此君相識久。科頭獨坐萬竿中。奴捧酒壺不放手。把竹數一枝。取酒斟一斗。澆竹便為竹葉春。自飲便為竹林友。竹醉人扶竹不知。人醉竹扶人知否。是人是竹渾難分。一醉之外別無有。此之謂與天為徒。與物化。君不見藕中之仙。橘中叟。

插芍藥數枝詩示香亭

數枝紅藥。膽瓶斜。頃刻蕭齋。變館娃心。醉異香如中酒。眼驚神女轉忘花。翻階尚記中書省。多寵遂須小宋家。我亦將離人世客。賴卿相伴送年華。

香亭插芍藥三十六瓶喜以詩賀

阿連春想一肩擔。羅致名花露正酣。三十六瓶香欲湧。百千萬朵色相參。藏嬌不惹諸姬妬。絕色何妨儘力貪。半世黃金擲虛牝。看香擲得最心甘。

左足病瘡作

雙趺虛左便無聊。欲走堂前怯路遙。甘把足拳師野鷺。只愁人老變山魈。千峰踞月心還在。七步成章興已消。何日浮商重起屢。白雲紅葉一肩挑。

戲答香亭弟問足疾

知君手足最情多。問我蹢躅足若何。我學禽言吟向汝。道行不得也哥哥。

松頂立一白鷺賦詩贈之

飄然白鷺鷥。風中不知冷。有意示人清。獨立青松頂。汝身閒若斯。汝立高若許。知否紗窗中。有人羨殺汝。

哭李倚南諱開第

君宮石城北。我住小倉山。相離未三里。車騎常往還。君年逾花甲。鬚髮未曾斑。疑有仙家術。游戲在人間。春秋風月佳。彼此具盤餐。看花至日昃。說鬼到更闌。吏隱雖分迹。言笑常同懽。不啻半月別。已作千年看。我在吳得信。驚駭摧心肝。願喚黃仙鶴。騎之叩天闕。但許贖此人。百身非所難。

我昔遊珠江。迢迢五千里。歸來老妻言。李君真俠士。袖攜一笏金。來賜雙稚子。教其勤讀書。助其買果餌。我聞世俗交。分手便忘矣。君胡獨不然。體卹同毛裏。未受主人託。能使舉家喜。我忝長十年。而乃後君死。有如報恩雉。含環向誰視。感君不能忘。思君不能止。惟

有淚兩行彈入湘江水

贈蘇州奇廉川方伯

皖江官舍接風標。桂嶺重蒙折簡招。衣上酒痕香未散。燈前花影夢難消。寒梅老更思春切。倦鳥飛偏怕路遙。恰好天心稱人意。一輪卿月照楓橋。

謝方伯贈春衣

清遊已屆嫩涼天。未帶春衣意惘然。偶漏一言緣酒後。竟蒙双襲賜尊前。輕華似挹浮邱袖。長短剛宜子貢肩。惹得山人忘驟去。披來又泛五湖烟。

留別蘇州故人惠寄汪硯香太守

兒時遊已愛蘇州。七十年來幾度遊。鄧尉梅花開似昔。金闕橋雨冷於秋。追尋往事雲同散。照到斜陽水亦愁。身愈頽唐心愈健。寒山兩上未甘休。

紛紛人看魯靈光。談到風騷

老亦忘烟墨。亂揮千幅紙。笙歌環擁一頭霜。敢云名重蕭夫子。可奈情深白侍郎。多少吳娘乞詩贈。登車猶自挽衣裳。

五茸三泖久聞名。難得汪倫打漿迎。隱士遺書尋笠澤。先生

新饌試尊羹。花光引我村村到。天意憐人日日晴。十里橫雲山下路。風廊水榭記分明。

出門兩月賦歸遲。惆悵郵亭酒一卮。住久易生臨去恨。年高難說再來期。節節過寒食。春將盡。人到忘家樂可知。寄語諸公各珍重。明年此日最相思。

喜晤龔華勝明府

作宰湖湘四十年。歸來小住板橋邊。原思底事貧如此。龔遂須知政可傳。久別師生如隔世。重逢雞犬欲疑仙。匆匆又向長安去。此會今生豈偶然。

人間萬事等搏沙。說到金陵更

可嗟。白髮尚存前令尹。烏衣不見舊人家。鉛松作貢途雖遠。時運鉛印綬還鄉氣尚華。莫忘

兒時讀書處。參天一樹海棠花。

君家海棠為金陵第一

和香亭別芳樂詩

紅藥欄空意惘然。白頭人坐散花天。枕邊已醒黃梁夢。座上還飄紫玉烟。小剩半枝如戀主。多看一刻當留仙。明春約汝開宜早。我是衰年弟少年。

秋暑

熟客不知老。天公忘作秋。何當霜露降。尚見火雲流。桂有為薪嘆。人難秉燭遊。從今緩省愠。紈扇莫輕收。

孫子蕭挹西河之戚繪佳兒重生圖索詩

望子台空最惱公。孫郎何處哭秋風。畫師真有通神筆。一個童烏活卷中。楊柳依依水竹居。佳兒獨立意何如。披書乍見聰明相。遂想詢他讀甚書。

哭似村有序

尹文端公諸公子俱好學能文官亦顯貴惟似村以秀才免差使長待公於制府署中與余往來尤暱性愛吟詩別二十年所寄牋素裹然寸許余羸老也有來無往今春始寄答三章詩未到而似村亡矣

纔把懷君詩寄君詩猶未到計先聞浮萍尚想重逢日駟馬難追已散雲絲綉平原空有畫

隨園雅集圖五

人中君其一也

鴈飛遼海漸無群

三二兩公

哀翁詠不多時別只算離亭手暫分

蕭騷

風骨有誰同生就人間張長公調鼎兩朝門第貴高吟一世秀才終題襟山館燈頻剪握手軍門雪滿空今日思量可能再幾行哀淚付秋風

再贈奇方伯

衰翁扶杖耳頻傾來聽吳儂說政聲能以直言匡天府不將初念負蒼生吟詩偶愛閒風月報國能留真性情羞把封疆祝賢者知君心早薄公卿

王若農蓬萊閣讀書圖

蓬萊閣下王喬坐萬卷書橫都讀破談認三更海日生誰知兩點魚睛大高詠新詩寫壯懷蛟龍傾耳嘆奇才至今落筆興酣際尚帶扶桑風雨來

到清江贈河帥李杏林先生

西平兩代有名賢萬里黃河付一肩持節能平行地水前生原是渡人船羊公雅度飄飄帶

謝傳中年愛管弦。奏罷安瀾無底事。龍蛇驅上行波牋。善書詩

仰止高山三十秋。今宵

纔喜識荊州。慚非國士蒙青眼。惜傍龍門已白頭。海上蟠桃消息近。隨月公尊前叢菊晚香

幽感公情是青天。月送過黃河尚未休。公命所生船護送渡河

李公贈詩

景仰中懷時緬然。而今甫得晤高賢。文章早已驚寰海。風雅應知屬大年。吐慧片時比雪
艷。留香滿座勝花妍。塵勞面目慚相對。幸接芝顏的是緣。野鶴風琴共一船。江淮爭

識地行仙。烟霞性格多知己。花月情懷入詠篇。常愛碧山忘逸興。每開青眼為才憐。採奇
欲往雲台去。落落能全自在天。

沐陽呂嶧亭觀察招遊蘆沽十月五日渡河宿錢翁家次日寓萊園作

一條黃河流。隔斷江南界。我忽渡河行。直到錢家砦。人生最樂事。所蒞還能再。況我幸潼陽。
四十六年屈錢翁。出相迎。不信我還在。張燈照客顏。認定方始拜。道別年纔髮。於今年已父
重逢。固可喜。久別毋乃太。我亦自孤疑。此身來天外。笑問君家中。兒孫已幾代。賢哉呂

大夫。候我十字橋。乘馬亦有情。歡鴨聲蕭蕭。衣冠數十輩。簇簇來遠郊。敢云有遺愛。能使諸
公笑。亦如觀古物。人情自相邀。高城忽森列。從前沐陽無城市廛尚煩囂。微聞兒女言。萊公去已遙。

如何飄然至。如鶴下九霄。毋乃武夷君。來把曾孫招。次日詣縣署。重尋所居地。某屋高